




唐詩別裁

地六

七絶

土岐文庫
文庫17
W93
12



文庫 17
W93
12



唐詩別裁集引典備註卷二十

長洲沈德潛歸愚選

後學俞汝昌增註

七言絕句

王勃

九日登高勃既廢客
劍南時作

九月九日望鄉臺他席他鄉送客杯人今已厭南

中苦鴻雁那從北地來似對不對初唐標格
不得認作律詩之半

望鄉臺在成都北
隋蜀王秀所築

杜審言

贈蘇書記

卷二十

七

010185190 817

昭和六十年二月一日
土岐善磨氏
贈寄

知君書記本翩翩為許從戎赴朔邊紅粉樓中應
計日燕支山下莫經年燕支紅粉
峯見映帶

魏文書元瑜書記翩翩北邊備對焉支
山產紅藍可為燕脂而關氏資以為飾

渡湘江州此遭馭峯

遲日園林悲昔遊今春花鳥作邊愁獨憐京國人

南窳不似湘江北人南窳歸日無期惟
湘流向北為可羨也

魏文書追思昔遊荆州記
湘水北流一千里入于洞庭

張說

送梁六

巴陵一望洞庭秋日見孤峯水上浮聞道神仙不

可接心隨湖水共悠悠遠神遠韻送意自在其外
比洞庭為神仙窟宅然

身不至惟送人之
心與湖水俱遠耳

唐地理志岳州巴陵縣
有洞庭山在洞庭湖中

張敬忠開元中平
盧節度使

邊詞

五原春色舊來遲二月垂楊未挂絲即今河畔冰

開日正是長安花落時不須
用意

郡國志并州五原郡秦置
為九原武帝更名五原

王翰

涼州詞

晉地理志漢改雍州為涼州樂苑涼州宮詞曲開元中西京都督郭知暹所進

蒲桃美酒夜光杯欲飲琵琶馬上催醉臥沙場君

莫笑古來征戰幾人回故作豪飲之詞然悲感已極傷仲弘論絕句以策

三句為主而第四句發之盛唐多與此合

大宛以蒲萄為酒十洲記周穆王時西域獻

夜光常滿盃盃是白玉之精光明夜照夕出盃

干庭以向天比明而水汁已滿

王維 送元二使安西

渭城朝雨裊輕塵客舍青青柳色新勸君更盡一

杯酒西出陽關無故人相傳曲調最高倚歌者笛為之裂陽關在中國外

安西更在陽關外言陽關已無故人矣况安西乎此意須微參

少年行

新豐美酒斗十千咸陽遊俠多少年相逢意氣為

君飲繫馬高樓垂柳邊

新豐漢高置見卷九咸陽即長安曹植詩美酒斗十千

九月九日憶山東兄弟

獨在異鄉為異客每逢佳節倍思親遙知兄弟登

高處遍插茱萸少一人即陟岵詩意誰謂唐人不近三百篇耶

風土記俗於九月九日折茱萸房以插頭言辟邪惡

送韋評事

欲逐將軍取右賢。沙場走馬向居延。遙知漢使蕭關外。愁見孤城落日邊。

匈奴有左右賢王居延匈奴中地名

送沈子福之江東

楊柳渡頭行客稀。苦師蕩槳向臨圻。唯有相思似春色。江南江北送君歸。

春光無處不到送人之心猶春光也

謝靈運詩臨圻阻參錯

寒食汜上作

三體詩注汜上在成阜東汜符獲句

廣武城邊逢暮春。汶陽歸客淚沾巾。落花寂寂啼

山鳥楊柳青青渡水人

廣武城在河南西征記三皇山上有二城東曰東廣武西曰西廣武漢祖與霸王共語處

孟浩然

送杜十四之江南

荆吳相接水為鄉。君去春江正淼茫。日暮孤帆泊何處。天涯一望斷人腸。

漢書東帶江河葑會稽為荆吳

濟江問同舟人

潮落江平未有風。輕舟其濟與君同。時時引領望天末。何處青山是越中。

王之渙

九日送別

菊庭蕭瑟故人稀何處登高且送歸今日暫同芳菊醉明朝應作斷蓬飛

涼州詞

黃河遠上白雲間一片孤城萬仞山羌笛何須怨

楊柳春光不度玉門關集異託云之渙與王昌齡

官十人會飲三人擁壚以觀俄有妙妓四輩奏樂皆當時名部三人私相約曰我輩各擅詩名不走甲乙今諸伶所詠以詩多者爲人初詠昌齡詩次詠適詩又次詠復昌齡詩之渙出諸妓中最佳者口待此子所唱如非我詩終身避席矣次至雙鬟發聲果詠黃河遠上云云因大諧笑諸伶諸問因

格

語之乃競拜乞就筵席推王翰葡萄酒爲壓卷王明月爲壓卷王元美推王維之渭城李白之白帝王昌齡之奉帚平明王之渙之黃河遠上其庶幾乎而終唐之世絕句亦無出四章之右者矣思謂李益之回樂峯前劉禹錫無出四章之右者矣思謂李氣象雖殊亦堪接武

常建

塞下曲

玉帛朝回望帝鄉烏孫歸去不稱王天涯靜處無

征戰兵氣銷爲日月光句亦

漢西域傳烏孫國去長安八千九百里

卷二十

五

三日尋李九莊

雨歇楊林東渡頭，永和三日蕩輕舟。故人家在桃花岸，直到門前溪水流。

永和三日用蘭亭事。桃花源記忽逢桃花林夾岸數百步中無雜樹。

◎高適

除夜

旅館寒燈獨不眠，客心何事轉淒然。故鄉今夜思千里，霜鬢明朝又一年。作故鄉親友思千里外人愈有意味。

營州歌

唐地理志營州城郡木遼西郡。

營州少年厭原野，狐裘蒙茸獵城下。虜酒千鍾不醉人，胡兒十歲能騎馬。

別董大

千里黃雲白日曛，北風吹雁雪紛紛。莫愁前路無知己，天下何人不識君。

◎岑參 嘉州邊塞詩尤為獨步。

酒泉太守席上醉後歌

酒泉太守能劍舞，高堂置酒夜擊鼓。胡笳一曲斷人腸，座上相看淚如雨。

酒泉郡漢武開

武威送劉判官赴磧西行軍

火山五月行人少，看君馬去疾如鳥。都護行營太白西，角聲一動胡天曉。

火山在陝西丹山衛城北，太白山在鳳人郿縣。

赴北庭度隴思家

唐地理志：隴右道有北庭大都護庭。

西向輪臺萬里餘，也知鄉信日應疎。隴山鸚鵡能言語，爲報家人數寄書。

輪臺西域地名，在隴州西北。禽經：鸚鵡出隴西。

磧中作

走馬西來欲到天，辭家見月兩回圓。今夜不知何處宿，平沙萬里絕人煙。

投宿無所則責中無人可知矣。

號州後亭送李判官

西原驛路挂城頭，客散江亭雨未休。君去試看汾水上，白雲猶似漢時秋。

汾水出太原汾陽縣，漢武幸河東，作秋風辭，白秋風起兮白雲飛。

山房春事

梁園日暮亂飛鴉，極目蕭條三兩家。庭樹不知人去盡，春來還發舊時花。

後人襲用者多然，嘉州實爲絕調。

梁園梁孝王東園。

逢入京使

故園東望路漫漫，雙袖龍鍾淚不乾。
馬上相逢無紙筆，憑君傳語報平安。

人人胸臆中語卻成絕唱

封大夫破播仙凱歌

漢將承恩西破戎，捷書先奏未央宮。
天子預開麟閣待，祇今誰數貳師功。

漢書上思股肱之美圖畫其人於麒麟閣又李廣利為貳師將軍往貳師城取善馬

日落轅門鼓角鳴，千羣面縛出蕃城。
洗兵魚海雲迎陣，秣馬龍堆月照營。

詩之氣壯

左許男而縛術壁梁簡文詩洗兵逢驟雨送陣山黃雲

頁至

送李侍郎赴常州

雪晴雲散北風寒，楚水吳山道路難。
今日送君須盡醉，明朝相憶路漫漫。

山海經數歷之山楚水出焉南流注于滬說苑登吳山而四望

西亭春望

日長風煖柳青青，北鴈歸飛入窅冥。
岳陽樓上聞吹笛，能使春心滿洞庭。

巴陵與李十二裴九汎洞庭

江上相逢皆舊遊，湘山未望不堪愁。
明月秋風洞庭

庭水孤鴻落葉一扁舟

君山志君山在洞庭湖中又名湘山狀如十二螺髻

楓岸紛紛落葉多洞庭秋水晚來波乘興輕舟無

近遠白雲明月弔湘娥前人謂末句翻太白案試思白雲明月仍是不知何

處矣何嘗翻案耶

負知章

季與賀監四明狂客

回鄉偶書

少小離家老大回鄉音無改鬢毛摧見童相見不

相識笑問客從何處來房木鬢毛衰衰人四支音

字之誤改正

離別家鄉歲月多近來人事半銷磨惟有門前鏡

湖水春風不改舊時波

鏡湖在會稽城南賀監所居

王昌齡

龍標絕句深情幽怨意旨微茫令人測之無端玩之無盡謂之唐人騷語

聽流人水調子

樂苑木調商調曲舊說隋煬帝幸江都所製

孤舟微月對楓林分付鳴箏與客心嶺色千重萬

重雨斷絃收與淚痕深

與字樣

梁苑

梁園秋竹古時煙
城外悲風欲暮天
萬乘旌旗何處在
平臺賓客有誰憐

苑中有脩竹園 史記梁孝王得賜天子旌旗 出從千乘萬騎

芙蓉樓送辛漸

寒雨連江夜入吳
平明送客楚山孤
洛陽親友如

相問一片冰心在
玉壺

言已之不棄於官情也 十道山川攷商山在上洛縣南亦名楚山 釋名孤嶺也 願望無所瞻見也

丹陽城南秋海陰
丹陽城北楚雲深
高樓送客不能醉
寂寂寒江明月心

唐地理志潤州丹陽縣本曲阿天寶元年更名

送狄宗亨

秋在水清山暮蟬
洛陽樹色鳴臯煙
送君歸去愁不盡
又惜空度涼風天

唐書地理志河南府陸渾縣有鳴臯山

送別魏一

醉別江樓橘柚香
江風引雨入船涼
憶君遙在湘山月
愁聽清猿夢裏長

殿前曲

昨夜風開露井桃
未央前殿月偷高
平陽歌舞新承寵
簾外春寒賜錦袍

只說他人之承寵而已之失寵總然可會此國風之

愈

袖

也

漢書衛皇后字子夫為平陽主謳者武帝過平陽既飲謳者進帝悅子夫賜平陽主金千斤

青樓曲

樂府宮苑十
九曲之一

白馬金鞍從武皇 旌旗十萬宿長楊 樓頭小婦鳴

箏坐遙見飛塵入 建章有敵愾執爨之意

長楊建章宮名

長信秋詞

奉帚平明金殿開 且將團扇共徘徊 玉顏不及寒

鴉色猶帶昭陽日 影來昭陽宮趙昭儀所居宮在東方寒鴉帶東方日影而

來見已之不如鴉也優柔婉麗
舍蘊無窮使人三唱而三歎

柳惲詩奉帚長信宮誰知獨不見

真成薄命久尋思 夢見君王覺後疑 火照西宮知

夜飲分明復道奉 恩時下分明二字
寫夢境入微

梁簡文詩真成恨不已
漢文火照城中 叔孫通傳作復道

西宮春怨

西宮夜靜百花香 欲卷珠簾春恨長 斜抱雲和深

見月朦朧樹色隱 昭陽

拾遺記吳質細珠為簾 周禮雲和之琴
瑟注雲和山名出美木用為瑟其聲清亮

從軍行四首

烽火城西百尺樓，黃昏獨坐海風秋。更吹羌笛關山月，無那金閨萬里愁。萬里之外念及金閨能無愁乎。

青海長雲暗雪山，孤城遙望玉門關。黃沙百戰穿金甲，不破樓蘭終不還。作豪語看亦可然作歸期無日看倍有意味。

後漢書注天山一名雪山

秦時明月漢時關，萬里長征人未還。但使龍城飛將在不教胡馬度陰山。備胡築城起于秦漢明月屬秦關屬漢互文也。師

勞力竭而功不成由將非其人之故故思飛將軍云第三句喚得起乃見警策。

龍城陰山俱在匈奴

大漠風塵日色昏，紅旗半卷出轅門。前軍夜戰洮

河北已報生禽吐谷渾。

一統志洮河在隴洮府城西南隋西域傳吐谷渾城在青海西十五里

張謂

送人使河源 西域傳河有兩源一出葱嶺一出于闐

故人行役向邊州，匹馬今朝不少留。長路關山何日盡，滿堂絲竹爲君愁。絲竹本以娛情然送人萬里之遠則絲竹皆愁音也

絕警

張旭 蘇州人

山中留客

山光物態弄春暉，莫爲輕陰便擬歸。縱使晴明無

卷二十

十一

雨色入雲深處亦沾衣

桃花磯

唐詩解作桃花溪一統志常德府桃源縣西南有桃源洞洞北有桃花溪

隱隱飛橋隔野煙石磯西畔問漁船
桃花盡日隨流水洞在清溪何處邊

李

白五言絕句石丞供奉七言絕句龍標供奉
語近情遠含吐不露為貴只眼前景口
頭語而有絃外音使人神遠太白有焉

越中懷古

越王勾踐破吳歸戰士還家盡錦衣
宮女如花滿春殿祇今惟有鷓鴣飛

三句說盛一亡
論其其格屬

史記夏少康庶子封于會稽二十
餘世至勾踐勾踐伐吳吳王自殺

送孟浩然之廣陵

故人西辭黃鶴樓煙花三月下揚州
孤帆遠影碧空盡惟見長江天際流

一統志黃鶴樓在武昌
府城西南隅黃鶴磯上

春夜雜陽聞笛

誰家玉笛暗飛聲散入東風滿洛城
此夜曲中聞折柳何人不起故園情

舊注李延年橫吹三十八解中有折楊柳一曲

峩眉山月歌

峩眉山月半輪秋影入平羌江水流夜發青溪向
三峽思君不見下渝州

一統志峩眉山在眉州城南二
月不復見矣君字即指月
百里又平羌江在雅州城北

橫江詞

郡縣志橫江浦在和州對
江南之采石往來濟渡處

橫江館前津吏迎向余東指海雲生
何事如此風波不可行

上皇西巡南京歌蜀郡為南京

莫道君王行路難六龍西幸萬人歡
渭水天迴玉壘作長安

錦江水名玉壘
山名俱在成都

劔閣重關蜀北門上皇歸馬若雲屯
紫極雙懸日月照乾坤

三句上皇三句少帝而
以未句總收格法又別

陸機詩胡馬如雲屯
曹植表心存乎紫極

黃鶴樓聞笛

一為遷客去長沙西望長安不見家
黃鶴樓中吹玉笛

梅花落笛
中曲名

下江陵

朝辭白帝彩雲間千里江陵一日還
不住輕舟已過萬重山

寫出瞬息千里若有神助
入猿聲一句文勢不傷

于直畫家布景設色每于此處用意
荆州記朝發白帝暮宿江陵凡一千二百餘里
雖飛雲逐鳥不能過也一統志白帝城在夔
州府治東又隋置荆州治江陵

峒中作

蘭陵美酒鬱金香玉盃盛來琥珀光但使主人能

醉客不知何處是他鄉強作寬解之詞

史記正義蘭陵屬東海郡今沂州承縣有蘭陵山周禮注鬱金香草以釀秬為酒庚信娘芙蓉玉盃蓮子金杯

舟下荆門

霜落荆門江樹空布帆無恙桂秋風此行不為鱸

魚膾自愛名山人荆門明明說天下將亂子身歸隱卻又推開櫂說此古人

身分不可及處

荆門山名晉書行人安穩布帆無恙鱸膾張翰事本集注荆縣隸會稽多名山水謝靈運詩暝投荆中宿

與賈舍人汎洞庭

洞庭西望楚江分木盡南天不見雲日落長沙秋色遠不知何處弔湘君

劉孝綽詩日暮楚江上

巴陵贈賈舍人

賈生西望憶京華湘浦南遷莫怨嗟聖主恩深漢

文帝憐君不遣到長沙

漢文以賈誼為長沙大傅

望天門山

一統志天門山在太平府城西二山夾大江東曰博望西曰梁山對峙如門

天門中斷楚江開碧水東流向北迴兩岸青山相對出孤帆一片日邊來

蘇臺覽古

舊苑荒臺楊柳新菱歌清唱不勝春只今惟有西

江月會照吳王宮裏人

越絕書闔閭欲復其先越與戰西江

贈汪倫

本集注桃花潭村人汪倫常醞美酒以待白

李白乘舟將欲行忽聞岸上踏歌聲桃花潭水深千尺不及汪倫送我情

本色若說汪倫之情比於潭水千尺便是凡語妙

轉換間一搜神記漢代十月十一日以豚酒入靈女廟連管踏地歌赤鳳來一統志桃花潭在寧國府涇縣西南一百里

清平調名花對沉香亭牡丹盛開上日賞
清平調三章白妃子焉用舊樂宣李白進
聲以端之清平調清調平調本房中樂此
合用之也

雲想衣裳花想容春風拂檻露華濃若非羣玉山
頭見會向瑤臺月下逢三章合花與人言之風流
旖旎經世丰神或謂首章

詠妃子次章詠花三
章合詠殊近執帶

穆天子傳天子北征至于
瑤玉之山注西王母所居

一枝紅豔露凝香雲雨巫山枉斷腸借問漢宮誰

得似可憐飛燕倚新粧初太真持七寶盃酌葡萄
酒笑領歌意後高力士謂

飛燕北擬輕薄太真
譚於上因而遣之

名花傾國兩相歡常得君王帶笑看解釋春風無

限恨沉香亭北倚闌干本言釋天子之愁恨
以春風措寫微婉

本集注沉香亭
以沉香為之

閩王昌齡左遷龍標遙有此寄

唐地理志敘
州龍標縣

楊花落盡子規啼聞道龍標過五溪我寄愁心與

明月隨風直到夜郎西即將心寄明月流影入君
懷意出以搖曳之筆語意

新
馬援傳擊武陵五溪蠻
夷注五溪雄溪楠溪西
溪漁溪辰溪皆槃瓠子
孫唐地理志漆州有
夜郎縣後
為夜郎郡

杜甫少陵絕句直抒胸臆自是
大家氣度然以為正聲則未也
宋人不善學之

往往流於粗率楊廉夫謂學
杜須從絕句入真欺人語

贈花卿集注花卿名敬
度使

錦城絲管日紛紛半入江風半入雲此曲祇應天上有人間能得幾回聞揚子禮樂子美作此諷之而意在言外

書堂飲既夜復邀李尙書下馬月下賦倒說以便

湖月林風相與清殘尊下馬復同傾久拚野鶴如

雙鬢遮莫鄰雞下五更與句相對

仇注鶴林玉露詩家用遮莫字蓋俗語所謂儒教也

江南逢李龜年

明皇雜錄樂工李龜年特承恩遇其後流落江南每遇良辰爲人歌數闕座客

岐王宅裏尋常見崔九堂前幾度聞正是江南好

風景落花時節又逢君舍意未伸有案無斷

舊書岐王範睿宗子好學工書又崔湜弟滌與玄宗款密用爲秘書監出入禁中後賜名澄原注崔九卽崔滌

嚴武

軍城早秋

昨夜秋風入漢關朔雲邊月滿西山更催飛將追騎虜莫遣沙場匹馬還爽與少陵作魯衛

孟雲卿

寒食

二月江南花滿枝。他鄉寒食遠堪悲。貧居往往無煙火。不獨明朝爲子推。

劉長卿 文字

送李判官之潤州行營

萬里辭家事鼓鼙。金陵驛路楚雲西。江春不肯畱行客。草色青青送馬蹄。

重送裴郎中貶吉州

猿啼客散暮江頭。人自傷心水自流。同作逐臣君更遠。青山萬里一孤州。時文房亦貶爲南巴尉。吉州去京師更遠於南巴。

酬李穆見寄

孤舟相訪至天涯。萬里雲山路更賒。欲掃柴門迎

遠客。青苔黃葉滿貧家。劉后村謂魏埜稱述俱不能及。

寄別朱拾遺

天書遠召滄浪客。幾度臨岐病未能。江海茫茫春欲遍。行人一騎發金陵。

送劉萱之道州謁崔大夫

唐地理志道州江華郡本營州貞觀八年改名

沅水悠悠湘水春。臨岐南望一沾巾。信陵門下三千客。君到長沙見幾人。

楚辭注沅湘二水名。魏信陵君致食客三千人。

七里灘送嚴維

秋江渺渺水空波。越客孤舟欲榜歌。手折衰楊悲老大。故人零落已無多。

錢起

歸鴈

瀟湘何事等閒回。水碧沙明兩岸苔。二十五絃彈

夜月不勝清怨卻飛來。

作呼起語三四相應
琴中有歸雁操
故從操中落想
史記太帝使素女鼓五十絃瑟悲
啼禁不止故破其瑟為二十五絃

暮春歸故山草堂

谷口春殘黃鳥稀。辛夸花盡杏華化。飛始憐幽竹山

牕下不改清陰待我歸。

楚詞辛夷楣兮薜房。朱注辛夷花初發如筆。北人呼為木筆。南人呼迎星。

秋夜送趙列歸襄陽

斗酒忘言良夜深。紅螢露滴鵲驚林。欲知別後思

今夕。漢水東流是寸心。

韋應物

登樓寄王卿

踏閣攀林恨不同。楚雲滄海思無窮。數家砧杵秋山下。一郡荆榛寒雨中。

寒食寄諸弟

雨中禁火空齋冷。江上流鶯獨坐聽。把酒看花想
諸弟。杜陵寒食草青青。

休日訪人不遇

初學記漢律吏五日得
一休沐言休息以洗沐也

九日驅馳一日閒。尋君不遇又空還。怪來詩思清
人骨。門對寒流雪滿山。

滁州西澗

一統志隋改南譙州為滁州
因滁水得名西澗在州城西

獨憐幽草澗邊生。上有黃鸝深樹鳴。春潮帶雨晚
來急。野渡無人舟自橫。
起二句與下半無闕
下句元人謂刺君

子在下一小人在上此輩難與言言何良俊曰大
清樓帖中刻有韋八手書澗邊行非生也尚有非
上也其為傳刻之譌無
疑稍勝於生字上字

張潮 潤州人

江南行

芙蓉葉爛別西灣。蓮子花開不見還。妾夢不離江

上水。人傳郎在鳳凰山。
總言行踪無定言在
水在山俱難實指

唐詩解注芙蓉生水田中五月開白花至冬葉
死而根可食齊武帝西洲曲采蓮南塘秋蓮
花過人頭低頭弄蓮子蓮子青如水
唐詩解云鳳凰山無慮數十處難擬其所指

張繼 字懿孫襄州人天寶末進
士大歷末授祠部員外郎

楓橋夜泊

一統志楓橋在蘇州府城西七里南北往來必經於此

月落烏啼霜滿天江楓漁火對愁眠姑蘇城外寒

山寺夜半鐘聲到客船塵市喧闐之處只聞鐘聲荒涼寥寂可知原本亂後

楓橋夜泊也共有數首合看益知此詩之妙

一統志寒山寺在蘇州府城西十里

閶門即事

一統志吳城西郭門曰閶門夫差所作以天門通閶闔故名

耕夫召募逐樓船春草青青萬頃田試上吳門窺郡郭清明幾處有新煙

韓翃

送客之鄂州

江口千家帶楚雲江花亂點雪紛紛春風落日誰

相見青翰舟中有鄂君點綴恰好鄂君楚王母弟也見越人歌總形其孤

行之

說苑鄂君乘青翰舟越人擁楫而歌曰今夕何夕放舟中流今日何日與子同舟鄂君乃以繡

被覆之

寒食燭以傳火清明日取榆柳之火賜近臣此唐制也

春城無處不飛花寒食東風御柳斜日暮漢宮傳

蠟燭輕煙散入五侯家五侯或指王氏五侯或指官官滅梁冀之五侯總之

先及貴近家也

卷二十

三

送齊山人

舊事仙人白兔公，掉頭歸去又乘風。
柴門流水依然在，一路寒山萬木中。

抱朴子白兔公彭祖弟子也

酬張千牛

唐百官志顯慶五年改左右府曰左右千牛府龍朔二年改左右千牛府曰左右奉宸衛通典千牛刀名後魏千牛備身掌執御刀因以名職

蓬萊闕下事天家，上路初回白鼻騮。
細管書催平樂酒，春衣夜宿杜陵花。

少年行

下點斑斕噴玉鬃，青絲結尾繡纏鬃。
鳴鞭曉出章臺路，葉葉春衣楊柳風。

穆天子傳諸歌曰皇之澤其馬欺玉皇人壽穀韻會鬃馬鬃或作騶晉古詞可憐白馬高纏騶

皇甫冉

含張繼

悵望南徐登北固，迢遙西塞阻東關。
落日臨川問音信，寒潮惟帶夕陽還。

送魏十

秋夜沉沉此送君，陰蟲切切不堪聞。
歸舟明日昆

會
陵道回首姑蘇是白雲

越絕書毘陵故延陵一統志蘇州府秦會稽
晉宋齊梁皆為吳邦隋改蘇州因姑蘇山為名

司空曙

送盧微之太原

榆落鷗飛關塞秋黃雲畫角見并州
翩翩羽騎雙旌後上客親隨郭細侯

峽日送友

峽口花飛欲盡春天涯去住淚沾巾
來時萬里同為客今日翻成送故人
極平常語自覺舍情無限
又萬里之遠耶
客中送客自難為詩况
况又同為客耶

江村即事

罷釣歸來不繫船江村月落正堪眠
縱然一夜風吹去只在蘆花淺水邊
三四語全從
不繫生出

于鵠

貞元間詩人隱居漢陽不出

江南曲

樂錄梁武帝改西曲襲江南弄七曲

偶向江邊採白蘋還隨女伴賽江神
眾中不敢分明語暗擲金錢卜遠人

李涉

宿武關

一統志武關在商洛縣東

遠別秦城萬里遊亂山高下入商州關門不鎖寒

溪水一夜潺湲送客愁永夜不寐意寫來偏曲

一統志秦城在鳳翔府隴州南三里秦非子居此

竹枝詞

十二峰頭月欲低空船雉上子規啼孤舟一夜東

歸客泣向春風憶建溪

一統志十二峰在夔州巫山縣日望霞翠屏朝雲松巒集仙聚鶴淨壇上昇起雲飛鳳登龍聖泉沿峽首尾一百六十里空船難有歸州一統志建寧城東有東溪一名建溪

王烈

塞上曲

孤舟夕對戍樓閒殢合青冥萬仞山明鏡不須生白髮風沙自解老紅顏

李益七言絕句中唐以李益子劉賓客為最音節神韻可追逐龍標供奉

夜上受降城聞笛明云蘆管蘆管笳也笛字應語

回樂峰前沙似雪受降城外月如霜不知何處吹

蘆管一夜征人盡望鄉

唐地理志靈州大都護府有回樂縣九原郡受降城張仁愿築

邊思

腰垂錦帶佩吳鉤走馬曾防玉塞秋莫笑關西將

卷二十

五

庚子

家子祇將詩思入涼州

從軍北征

天山雪後海風寒，橫笛偏吹行路難。磧裏征人三十萬，一時回首月中看。

天山在西域

拂雲堆

雲中志拂雲堆在古豐州西六十里有昭君青塚

漢將新從虜地來，旌旗半土拂雲堆。單于每向沙

場獵，南望陰山哭幾回。

漢匈奴傳侯應曰臣聞北邊塞至遼東外有陰山東西十餘里冒頓崩于依阻其中治作弓矢

場

來出為寇孝武時斤奪此地邊境少安邊長老言匈奴失陰山之後過之未嘗不哭也

春夜聞笛

寒山吹笛喚春歸，遷客相逢淚落衣。洞庭一夜無窮雁，不待天明向北飛。

聽曉角

邊霜昨夜墮閑榆，吹角當城片月孤。無限塞鴻飛不度，秋風吹入小單于。樂府唐大角曲有大單于不能飛度况小單于吹入人耳乎與受降城一首相印

汴河曲

汴水東流無限春，隋家宮闕已成塵。行人莫上長

堤望風起揚花愁殺人

王褒詩長堤通甬道隋書煬帝自板渚引河築街道植以柳名曰隋堤一千三百里

臨滹沱見蕃使列名

漠南春色到滹沱邊柳青青塞馬多萬里江山今不閉漢家頻許到支和

說文漠北方流沙也與幕通後漢烏桓傳匈奴因亂烏桓乘弱擊破之匈奴北徙數千里漠南地空通志滹沱在定滄二州界與漳水合

度破訥沙

破訥沙頭雁正飛鷓鴣泉上戰初歸平明日出東南地滿積寒光生鐵衣

上汝州郡樓

唐地理志汝州臨汝郡太伊州襄城郡貞觀八年更州名天寶元年更郡名

黃昏鼓角似邊州三十年前上此樓今日山川對垂淚傷心不獨為悲秋

寶牟

字貽周扶風人貞元中進士長慶中國子司業

奉誠園聞笛馬燧子暢以宅中大杏斲寶

封杏樹暢懼進宅改為奉誠園

曾絕朱纓吐錦茵欲披荒草訪遺塵秋風忽灑西

園淚滿目山陽笛裏人傷馬氏以見德宗之薄

國策楚莊王賜羣臣酒燭滅有引美人衣者美人援絕其冠纓告王王命百官皆絕纓乃出火後晉與楚戰一人在前五合五獲首怪問之曰臣乃夜絕纓者也漢書丙吉馭吏醉嘔丞相車茵耳遂不去也西園陳思王置向秀思舊賦序余與嵇康呂安同居止接近其人並有才後各以事見法余經其舊廬鄰人有吹笛者感音而歎故作賦云濟黃河以汎舟兮經山陽之舊居

賣鞞

唐詩解注字友封牟之弟元稹號武昌辟為祕書少監兼御史中丞充節度副使

南游感興

傷心欲問前朝事，惟見江流去不回。日暮東風春草綠，鷓鴣飛上越王臺。

述異記勾踐延四方之上作臺於外而館之今會稽山有越王臺

寄南游兄弟

書來未報幾時還，知在三湘五嶺間。獨立衡門秋水深，寒鴉飛去日沉山。

戴叔倫

湘南卽事

盧橘花開楓葉衰，出門何處望京師。沅湘日夜東流去，不為愁人住少時。此謂滯楚南景君無期而咎沅湘東流不為少住亦無聊之思也

顧况

宿昭應

舊唐書天寶七載改會昌為昭應有溫泉宮屬京兆

武帝祈靈太乙壇新豐樹色遶于官那知今夜長

生殿獨閉空山月影寒刺祈禱之無益也

史記封禪書天神貴者太乙天子以春秋祭大乙東南郊用太牢七日為壇開八通之東道雍錄長生殿齋殿也有事于朝元閣則齋沐于此

小孤山

古廟楓林江水邊寒鴉接飯雁橫天大孤山遠小孤出月照洞庭歸客船

葉道士山房

翅

水邊垂柳赤闌橋洞裏人碧玉簫近得麻姑書

信否潯陽江上不通潮

赤闌韻府作赤欄一統志台州府赤欄橋在臨海門

憶故園

惆悵山多人復稀杜鵑啼處淚沾衣故園此去千餘里春夢猶能夜夜歸

巖維

丹陽送人

丹陽郭裏送行舟一別心知兩地秋日晚江南望江北寒鴉飛盡水悠悠

張

◎鄧士元

送麴司直

曙雪蒼蒼兼曙雲，朔風燕雁不堪聞。貧交此去無他贈，惟有青山遠送君。

◎權德輿

贈天竺靈隱一寺主

石路泉流兩寺分，尋常鐘磬隔山聞。山僧半在中華峰住，共占清猿與白雲。

◎武元衡

題嘉陵驛

峰

一統志嘉陵在四
川廣元縣西

悠悠風旆繞山川，山驛空濛雨似煙。路半嘉陵頭

已白，蜀門西更上青天。即蜀道
艱意

◎韓愈

次潼關先寄張十二閣老

荆山已去華山來，日照潼關四扇開。刺史莫辭迎候遠，相公新破蔡州迴。沒石飲羽之技不必
以尋常絕句法求之

◎柳宗元

柳州二月

宦情羈思共悽悽，春半如秋意轉迷。山城過雨百

卷二十一

三

花盡榕葉滿庭鶯亂啼

南方草木狀榕葉如木麻樹餘拳曲其蔭十畝

夏晝偶作

南州溽暑醉如酒隱几熟眠開北牖日午獨覺無餘聲山童隔竹敲茶臼

酬曹侍御過象縣見寄

唐地理志柳州有象縣

破額山前碧玉流騷人遙駐木蘭舟春風無限滿相意欲採蘋花不自由哀怨起騷人欲采蘋花相贈尚牽制不能自由何以爲清乎言外有欲以忠心獻之於君而未由意與上蕭翰書同意而詞特徵婉

一統志黃州府黃梅縣西北四里破額山卽四祖大醫禪師道場

與浩初上人同看山寄京華親故

海畔尖山似劍鋸秋來處處割愁腸若爲化得身千億散作峰頭望故鄉

劉禹錫賓客夢得

石頭城

郡國志石頭城在上元縣西四里卽楚之金陵城也吳改曰石頭城

山圍故國周遭在潮打空城寂寞回淮水東邊舊時月夜深還過女牆來只寫山水明月而六代繁華俱歸烏有令人於言外思之樂天謂後之詩人不能復措詞矣

秦泚水在上元東南
古今注女牆城上小牆

烏衣巷

一統志巷在應天府南晉王導謝安居此其子弟皆烏衣因名巷口有朱雀橋

朱雀橋邊野草花，烏衣巷口夕陽斜。
舊時王謝堂前燕，飛入尋常百姓家。
言王謝家成民居耳用筆巧妙此唐人三昧也

聽舊宮人穆氏唱歌

曾隨織女渡天河，記得雲間第一歌。
休唱貞元供奉曲，當時朝士已無多。
貞元尚多君子元和已少其人前人謂有西方美人

思之

唐書貞元德宗年號

與歌者何戡

二十餘年別帝京，重聞天樂不勝情。
舊人惟有何戡在，更與殷勤唱渭城。
王維渭城詩唐人以為送別之曲夢得重來京師舊人惟一樂工為唱渭城送別何以為情也當時餅師亦唱渭城此只取其三疊之工

楊柳枝詞

樂府遺聲楊柳枝梁鼓角橫吹曲

花萼樓前初種時，美人樓上鬪腰肢。
如今拋擲長街裏，露葉如啼欲恨誰。

花萼樓明皇置

煬帝行宮汴水濱，數株殘柳不勝春。
晚來風起花

如雪飛入宮牆不見人似勝李君

隋書煬帝自長安至江都置離宮四十餘所吳都賦注天子行所立名曰行宮

開封府

城外春風吹酒旗行人揮袂日斜時長安陌上無窮樹唯有垂楊管別離

和令狐相公牡丹

平章宅裏一闌花臨到開時不在家莫道兩京非

遠別春明門外即天涯吳梅村拙政園山茶歌胎源於此

唐百官志以僕射李靖至中書門下平章事唐六典京城東面三門中日春明

張籍

送蜀客

蜀客南行祭碧雞木棉花發錦江西山橋日晚行人少時有猩猩樹上啼

華陽國志靖蛉縣有碧雞金馬光彩倏忽民多見之漢宣帝遣蜀郡王褒祭之吳錄交阯有木棉樹高丈餘釋文木棉江南多有之至秋生黃花商雅注猩猩狀似羅盤似小兒啼

哭孟寂

曲江院裏題名處十九人中最少年今日春光君不見杏花零落寺門前高郵兵部其年進士十七人宏詞二人故云十九人

國史補進士得第列名於慈恩寺謂之題名大廳於曲江亭謂之闕宴

秋思

洛陽城裏見秋風，欲作家書意萬重。復恐匆匆說不盡，行人臨發又開封。
亦復人人胸臆語，與馬上相逢無紙筆，一首同也。

王建

江陵使至汝州

回看巴路在雲間，寒食離家麥熟還。日暮數峰青似染，商人說是汝州山。

十五夜望月

中庭地白樹棲鴉，冷露無聲濕桂花。今夜月明人盡望，不知秋思在誰家。
不說明已之感，感秋故妙。

賈島

渡桑乾

一統志桑乾河在山西大同府城南六十里，東南入盧溝河。

客舍并州已十霜，歸心日夜憶咸陽。無端更渡桑乾水，卻望并州是故鄉。
謂并州且不得久住，况咸陽乎，仍是思咸陽非不忘。

并州也王敬美駁謝註甚允

唐地理志太原府本并州開元十一年為府

白居易

魏王堤

花寒懶發鳥慵啼，信馬閑行到日西。何處未春先有思，柳條無力魏王堤。

邯鄲至夜思親

邯鄲驛裏逢冬至。抱膝燈前影伴身。想得家中夜
深坐。還應說著遠遊人。真字

竹枝詞

劉禹錫竹枝序竹枝巴鄙也巴
兒聯歌吹短笛擊鼓以赴節

瞿塘峽口水雲低。白帝城頭月向西。唱到竹枝聲
咽處。斷猿晴鳥一時啼。

楊柳枝

紅板江橋青酒旗。館娃宮煖日斜時。可憐雨歇東
風定。萬樹千條各自垂。

憶江柳

曾栽楊柳江南岸。一別江南兩度春。遙憶青青江
岸上。不知攀折是何人。

種荔枝

吳錄蒼梧多荔枝。生山中。人家亦種之。
廣志荔枝支樹高五六丈。青華朱實大如
雞子。核黃黑。如熟蓮子。
實白於肋甘而多汁。

紅顆珍珠誠可愛。白鬚太守亦何痴。十年結子知
誰在。自向庭中種荔枝。達甚亦
多情甚

白雲泉

天平山上白雲泉。雲自無心水自閒。何必奔衝山

下去更添波浪向人

方輿勝覽天平山在蘇城西二十里巍然特高羣峯拱揖郡之鎮也山中有白雲泉

趙村杏花

公詩自注洛城東有趙村杏花千餘樹

趙村杏花每年開十五年中看幾回七十三人難再到今春來是別花來

元稹

亞枝紅

平陽池上亞枝紅悵望山郵是事同還向萬竿深竹裏一枝渾臥碧流中

寄庾敬休

小來同在曲江頭不省春時不共遊今日江風好暄暖可憐春盡古湘州

晉地理志懷帝分長沙衡陽湘東零陵邵陵桂陽及廣州之始安始興臨賀九郡置湘州

西歸

五年汀上損容顏今日春風到武關兩紙京書臨水讀小桃花樹滿商山

聞樂天左降江州司馬古人尚右以降為左

殘燈無焰影幢幢此夕聞君謫九江垂死病中驚坐起暗風吹雨入寒窗樂天云他人尚不可聞况僕哉

重贈樂天

莫遣瓊瓏唱我詩。我詩多是別君辭。明朝又向江頭別。月落潮平是去時。

語林白居易為杭州刺史官妓商靈瓏善歌舞

李賀 長吉昌谷

南園

男兒何不帶吳鉤。收取關山五十州。諸君暫上凌煙閣。若箇書生萬戶侯。
如文潞公之破貝州王文成之擒宸濠平入寨何不可萬戶侯耶

尋章摘句老雕蟲。曉月當簾掛玉弓。不見年年遼

海上文章何處哭秋風。

柳淡

征人怨

歲歲金河復玉關。朝朝馬策與刀環。三春白雪歸

青塚。萬里黃河遶黑山。
近岑參凱歌

陳羽 江東人貞元中進士

吳中覽古

吳王舊國水煙空。香徑無人蘭葉紅。春色似憐歌舞地。年年先發館娃宮。

吳地記香山吳王遣美人採香於此故有采香徑館娃宮在靈巖山上

湘君祠

二妃哭處湘江深，二妃愁處雲沉沉。商人酒滴廟前草，蕭颯風生斑竹林。

呂

字和叔，河中人。貞元末進士。王叔文引為侍御史。元和中，歷刑部郎中、坐構宰相李吉甫貶道州刺史，轉衡州卒。

劉郎浦口號

吳蜀成婚此水濱，明珠步障屋黃金。誰將一女輕天下，欲換劉郎鼎峙心。

李德裕

長安秋夜

內官傳詔問戎機，載筆金鑾夜始歸。萬戶千門皆寂寂，月中清露點朝衣。

因語內官不遊御金鑾殿名

令狐楚

少年行

弓背霞明劍照霜，秋風走馬出咸陽。未收天子河源地，不擬回頭望故鄉。

張仲素

塞下曲

朔雪飄飄開雁門，平沙歷亂轉蓬根。功名恥計擒

生數直斬樓蘭報國恩

唐地理志靈州天
池縣有雁門關

秋夜曲

丁丁漏永夜何長。漫漫輕雲露月光。秋逼暗蟲通
夕響。征衣未寄莫飛霜。

秋閨思二首

碧牕斜日藹深暉。愁聽寒蛩淚溼衣。夢裏分明見
關塞。不知何路向金微。卽王涯所云不省出
門行沙場知近遠意

淮南子注寒蟬蟬屬
金微山名在羈縻州

秋天一夜靜無雲。斷續鴻聲到曉聞。欲寄征人問

消息居延城外又移軍

漢地理志張掖郡有居延縣注武帝使
伏波將軍路博德築遮虜障於居延城

涼州詞二首一作籍詩

邊城暮雨雁飛低。蘆笋初生漸欲齊。無數鈴聲逐

過磧。應馱白練到安西。

爾雅注江東
呼蘆笋爲蘆

鳳林關裏水東流。白草黃榆六十秋。邊將皆承主

恩澤。無人解道取涼州。高常侍亦云豈無安邊書
諸將已承恩高說得憤此

說得
婉

唐地理志河州安昌郡
鳳林縣北有鳳林關

戎昱

塞下曲

漢將歸來虜塞空。旌旗初下玉關東。高路戰馬三
千匹。落日平原秋草中。

施肩吾

望夫詞

手執寒燈向影頻。迴文機上暗生塵。自家夫婿無
消息。卻恨橋頭賣卜人。

折楊柳

傷見路傍楊柳春。一株折盡一重新。今年還折去

年處。不送去年離別人。清思
回折

王涯

塞下曲

年少辭家從冠軍。金鞍寶劍去邀勳。不知馬骨傷
寒水。惟見龍城起暮雲。

羊士諤

泰山人。貞元中進士。元和
中以省郎貶資州刺史。

臺中寓直覽壁畫山水

蟲思庭莎白露天。微風吹竹曉凄然。今來始悟朝
回客。暗寫歸心向石泉。隨所感觸。無非歸興。不
必作畫者。果有此心。

登樓

槐柳蕭疎繞郡城沙遠夜添山雨作江聲秋風南陌無車馬獨上高樓故國情

泛舟後溪

雨餘芳草靜沙塵水綠灘平一帶春唯有啼鶻似畱客桃花深處更無人

楊 疑

送客入蜀

劍閣迢迢夢想間行人歸路繞梁山明朝騎馬搖鞭去秋雨槐花子午關

劍閣梁山俱在蜀 郡縣志 子午關在京兆府長安縣南

張 祐

雨霖鈴

上皇幸蜀棧道中遇雨聞鈴製詞

雨霖鈴夜卻歸秦猶是張徽一曲新長說上皇和

淚教月明南內更無人情韻雙絕 祐又有集靈

埽蛾眉朝至尊 譏刺輕薄絕無詩品 後人雜入杜

集衆口交贊真不可解 王維之白眼看他世上

人張謂之世人結交須黃金曹松之將功成萬

骨枯章碣之劉頂原來不讀書此粗詩之派也李商

隱之餘王沉醉壽王醒此輕薄詩之派也世雖盛

稱慮不敢取因論 張祐詩而備及之

贈楊鍊師

道士夜誦藥珠經，白鶴下繞香煙聽。夜移經盡人上鶴，天風吹入青冥冥。

杜牧之絕句遠韻遠神然如赤壁詩東風不與周郎便銅雀春深銷二喬近輕薄少年語而詩家盛稱之何也

過華清宮

長安回望繡成堆，山頂千門次第開。一騎紅塵妃子笑，無人知是荔枝來。

唐書貴妃生於蜀好荔枝南海荔枝勝于蜀必欲生致之乃置驛傳馳載七日夜至京人馬俱號於路百姓苦之

樂遊原

名勝志樂遊原在霸南五里一名鴻固原
長空澹澹孤鳥沒，萬古銷沉向此中。看取漢家何事業，五陵無樹起秋風。
樹樹起秋風已不堪回首況於無樹耶

江南春

樂府解題江南古詞益美
芳辰麗景嬉遊得時也
千里鶯啼綠映紅，水村山郭酒旗風。南朝四百八十寺，多少樓臺煙雨中。

醉後題僧院

觥船一擢百分空，十載青春不負公。今日鬢絲禪

鴻

楊柳茶煙輕颺落花風

治秦淮

煙籠寒水月籠沙夜泊秦淮近酒家商女不知亡國恨隔江猶唱後庭花

秦淮在金陵後庭花陳後主製曲名

題桃花夫人廟

細腰宮裏露桃新脈脈無言度幾春至竟息亡緣底事可憐金谷墮樓人

不言而生子此何意耶綠珠之墮樓不可及矣

寄揚州韓綽判官

青山隱隱水迢迢秋盡江南草未凋二十四橋明月夜玉人何處教吹簫

風調自佳

一統志揚州二十四橋在府城隋置

邊上聞笳

何處吹笳薄暮天塞垣高鳥沒狼煙遊人一聽頭堪白蘇武爭禁十九年

爭禁妙俗本作曾禁西陽雜俎狼糞煙直上烽火用蘇武留匈奴中十九年

山行

遠上寒山石徑斜白雲生處有人家停車坐愛楓林晚霜葉紅於二月花

謝靈運詩曉霜風
葉丹夕照嵐氣陰

李商隱義山長于風諭工于徵引唐人中另
開一境顧其中譏刺太深往往失之

輕薄此俱取
其大雅者

夜雨寄北

君問歸期未有期巴山夜雨漲秋池何當其翦西

窗燭卻話巴山夜雨時此寄問中之詩雲間唐氏
謂寄私暱之人詩中存何

私暱
意耶

一統志四川保寧府大巴嶺在連江縣東北五
百里與小巴嶺相接世傳九十里巴山是也

寄令狐郎中

嵩雲秦樹久離居雙鯉迢迢一紙書休問梁園舊

賓客茂陵秋雨病相如

史記司馬相如造梁梁孝王令與諸
生同舍後為園令病免家居茂陵

漢宮詞

青雀西飛竟未回君王長在集靈臺侍臣最有相

加渴不賜金莖露一杯言求仙無益也或謂刺好
神仙而疎賢才或謂天子

求仙宮闈必曠故以宮詞名
篇以相如比宮女穿鑿可笑

選注青雀王母之使漢武故事上齋居承華殿
王母至有三青鳥在旁及去詩帝以三年後復

來後竟不來司馬輔黃圖集靈臺在華陰縣界
武帝所造司馬相如消渴疾三輔舊事

建章宮承露盤以銅爲之上
有仙人掌承露和玉屑飲之

宮妓

珠箔輕明拂王墀披香新殿鬪腰支不須看盡魚

龍戲終遣君王怒偃師列子穆王西巡道有獻工

者領其頤則歌合律捧其手則舞應節技將終瞬

其目而招王之侍妾王怒欲誅偃師偃師立剖散

倡者以示王肝膽

支飾等皆假物也

三秦記明光殿皆金玉珠璣為簾箔晝夜光明

披香殿名漢書孝武作魚龍角抵之戲注

魚龍者為舍利之獸先戲於庭乃入殿前激水

化成比目魚跳躍激木作霧障日化成黃龍長

八丈出水

技戲於庭

齊宮詞

永壽兵來夜不扃金蓮無復印中庭梁臺歌管三

更罷猶自風搖九子鈴此篇不著議論可憐夜半

各極其致

齊書廢帝寶卷為潘妃起神仙永壽王壽二殿

飾以金壁蕭衍兵入建康寶卷方在含德殿作

笙歌兵入斬之又東昏侯鑿金為蓮花貼地

令潘妃行其上日此步步生蓮花也又莊嚴

寺有玉九子鈴取以施潘妃殿飾

賈生

宣室求賢訪逐臣賈生才調更無倫可憐夜半虛

前席不問蒼生問鬼神前氏絳灌但知讒賈誼可

漢賈誼傳文帝思誼徵之至八見上方受策坐

宣室上因感鬼神事而問鬼神之本誼具道所

以然之故至夜半文帝前席

北齊二首

一笑相傾國便亡何勞荆棘始堪傷小憐玉體橫

陳夜已報周師入晉陽後主馮淑

宋玉賦主人之女為臣歌曰橫自陳兮君之旁

北齊書後主武平七年十二月周武帝來救

晉州齊師大敗帝棄軍先還雷德宗王延宗等

守晉陽帝走入鄴辛酉延宗與周師戰大敗為

周師所虜

巧笑知堪敵萬幾傾城最在著戎衣晉陽已陷休

回顧更請君王獵一圍北齊書周師取平陽帝獵

湘妃請更殺一圍從之

舊將軍

雲臺高議正紛紛誰定當時蕩寇勳日暮灞陵原

上獵李將軍是故將軍

後漢書永平中顯宗追感前世功臣乃圖畫二十八將於南宮雲臺

常娥

雲母屏風燭影深長河漸落曉星沉常娥應悔偷

靈藥碧海青天夜夜心孤寂之况以夜夜心三字

悔者亦作加是觀

溫庭筠

贈彈箏人

天寶年中事玉皇曾將新曲教寧玉鈿蟬金雁皆

零落一曲伊州淚萬行與白頰宮女元宗同意

寧王睿宗子樂苑有伊州歌曲
或云細嬋金雁皆妓人名

瑤瑟怨

冰簟銀牀夢不成碧天如水夜雲輕雁聲遠過瀟

湘去十二樓中月自明

漢郊祀志黃帝時為五城十二樓以候神人

車駕西遊因而有作

宣曲長楊瑞氣凝上林狐兔待秋鷹誰將詞賦陪

雕輦寂寞相如臥茂陵

漢書注宣曲宮在昆明池西長楊宮在鷲原

渭上題

呂公榮達子陵歸萬古煙波繞釣磯橋上一通名

利迹至今江鳥背人飛

呂公呂尚嚴光字子陵史記素隱渭橋有三一在城西北咸陽路曰西渭橋一在東北高陵邑曰東渭橋其中渭橋在古城之北

過吳景帝陵

吳志孫休字子烈權第六子在位七年薨時年三十謚曰景皇帝葬定陵

王氣銷來水淼茫豈能才與命相妨虛開直瀆三

千里青蓋何曾到洛陽

夜看牡丹

高低深淺一闌紅把火殷勤繞露叢希逸近來成

嬾病不能容易向春風

文章錄謝莊字希逸陽夏人七歲能文有才
顧俠君云案徐注西陽雜俎謝康樂集中言竹
間水際多牡丹今引謝莊未詳南史謝莊傳
與大司馬江夏王義恭賤自陳眼患五月來不
復得夜坐恆
閉帷避風

經故翰林袁學士居

劍逐驚波玉委塵謝安門下更何人西州城外花

千樹盡是羊曇醉後春

張華傳雷煥子華持劍經延平津劍躍出墮水
使人取之見兩龍蟠榮光彩照水波浪驚沸於
是大劍世說庾亮卒何充歎曰埋玉樹蒼上
中使人情何能已已晉謝安傳羊曇為安所
愛重安薨後輟樂彌年行不由西州路嘗因石
頭大醉扶路唱樂不覺至西州門左右白曰此

西州門曩悲感不已以馬策扣扉誦曹植
詩曰生存華屋處零落歸山丘慟哭而去

許渾 丁卯橋

謝亭送別

勞歌一曲解行舟紅葉青山水急流日暮酒醒人

已遠滿天風雨下西樓 黯然銷魂

韓詩外傳飢者歌食勞者歌事文類聚勞
勞亭送客處也于此歌以送遠故謂勞歌

題段太尉廟

靜想追兵緩翠華古碑荒廟閉松花紀生不向榮
陽死爭有山河屬漢家

學仙

心期仙訣意無窮。采畫雲車起壽宮。聞有三山未
知處。茂陵松柏滿西風。

漢書武帝作畫雲車。又武帝置壽宮神君。海上三山仙人之居茂陵武帝陵。

雍陶

和孫明府懷舊山

五柳先生本在山。偶然為客落人間。秋來見月多

歸思。自起開籠放白鵬。

動歸思而放鵬。見物我同情也。

禽經白鵬似山雞而色白。行止開暇。

天津橋春望

津橋春水浸紅霞。煙柳風絲拂岸斜。翠輦不來金

殿閉。宮鶯銜出上陽花。

趙嘏

經汾陽舊宅

唐書郭子儀封汾陽王。長安志郭汾陽宅在觀仁里。

門前不改舊山河。破處曾經馬伏波。今日獨經歌

舞地。古槐疎冷夕陽多。

見山河如故而恢復山河者已不堪憑弔矣。可感全

句在起

馬援為伏波將軍

烏栖曲

宮烏栖處玉樓深。微月生簷夜夜心。香輦不回花

卷二十一

白落春來空佩辟寒金

拾遺記魏明帝時昆明國貢木金鳥此鳥畏霜雪乃起小屋處之明日辟寒臺宮人爭以鳥吐之金用飾釧佩謂之辟寒金

尋僧

溪戶無人谷鳥飛石橋橫木桂禪衣看雲日暮倚松立野水亂鳴僧未歸

陸龜蒙

懷宛陵舊遊

陵陽佳地昔年遊謝眺青山李白樓唯有日斜溪上思酒旗風影落春流

佳句詩中畫本

一統志陵陽山在寧國府城內又青山在太平府城東謝眺嘗築室于此又名謝公山

白蓮

素蘂多蒙別豔欺此花端合在瑤池無情有恨何人覺月曉風清欲墮時

取神之作

玉篇蘂花榮也

鄭谷

淮上與友人別

揚子江頭楊柳春楊花愁殺渡江人數聲風笛離亭晚君向瀟湘我向秦

落句不言離情卻從言外領取與韋左司聞雁詩同一法也謝茂秦尚不得其旨而欲顛倒其文安問悠悠流俗

席上贈歌者

花月樓臺近九衢清歌一曲倒金壺坐中亦有江
南客莫向春風唱鷓鴣

鷓鴣南鳥樂府有鷓鴣曲

◎杜荀鶴

溪興

山雨溪風卷釣絲瓦鷗蓬底獨斟時醉來睡著無人喚
流下前灘也不知

◎高駢

步虛詞

樂府解題步虛詞道家曲也備言衆仙縹緲輕舉之美

清谿道士人不識上天下天鶴一隻洞門深鎖碧
窗寒滴露研朱點周易

◎羅隱

贈妓雲英

鍾陵醉別十餘春重見雲英掌上身我未成名君
未嫁可能俱是不如人隱下第見舊妓雲英英曰羅秀才尙未脫白因贈以詩

柳

灞岸晴來送別頻相偎相倚不勝春自家飛絮猶

無定爭把長條絆得人

李洞

山居喜友人見訪

入雲晴勵茯苓還日暮逢迎水石間看待詩人無

別物半潭秋水一房山

本草茯苓白色者補赤色者利
抱朴子任子季服茯苓十八年

繡嶺宮詞

唐地理志陝州峽石縣有繡嶺宮

春日遲遲春草綠野棠開盡飄香玉繡臺宮前鶴
髮翁猶唱開元太平曲

高蟾

字里未詳乾符中進士

下第後上永崇高侍郎

天上碧桃和露種日邊紅杏倚雲栽芙蓉生在秋

江上不向東風怨未開存得此心化悲憤為和平矣

盧弼

塞上四時詞

春風昨夜到榆關故國煙花想已殘少婦不知歸
未得朝朝應上望夫山恐已之家人亦將化石四首猶近盛唐

志榆關在永平寧縣東二十里

盧龍塞外草初肥鴈乳平燕曉不飛鄉國近來音

信斷至今猶自著寒衣

唐地理志平州北平郡有盧龍軍一統志盧龍塞在永平府

八月霜飛柳變黃蓬根吹斷雁南翔隴頭流水閉

山月泣上龍堆望故鄉

郡國志燉煌郡西關外有白龍堆沙

朔風吹雪透刀瘢飲馬長城窟更寒半夜火來知

有敵一時齊保賀蘭山

唐地理志夏州北渡烏水經大非苦鹽池六十六里至賀蘭驛涇陽圖經賀蘭山在縣西

陳陶字嵩伯嶺南人隱居淇州鹵山種柑

三教布衣

隴西行

古樂府瑟調十三曲有隴西行

誓掃匈奴不顧身五千貂錦喪胡塵可憐無定河

邊骨猶是春閨夢裏人作苦語無過此者然使王之渙王昌齡為之更有餘

蘊此時代使然作者亦不知其然而然也作苦語須有餘蘊元微之垂死病中驚坐起暗風吹雨

入寒臆雍陶漸近蠻城誰敢哭一時收淚羨猿啼皆蹙蹙聲矣

一統志無定河在陝西延安府青澗縣東六十里

韋莊

古離別

晴煙漠漠柳毵毵不那離情酒半酣更把玉鞭雲

外脂斷腸春色在江南

金陵圖

江雨霏霏江草齊六朝如夢鳥空啼無情最是臺
城柳依舊煙籠十里隄

一統志臺城在上元縣治東北五里

唐彥謙 字茂華并州人咸通中進士

仲山 漢高祖兄劉仲所葬

一統志仲山在陝西涇陽縣西北七十里劉仲所居

千載遺蹤寄薜蘿沛中鄉里舊山河長陵亦是閑
正龍異日誰知與仲多 漢書高祖置酒奉玉卮為太上皇壽日始大人以臣

無賴不能治產業不如仲力今與仲孰多漢書高祖葬長陵

曲江春望

杏豔桃光奪晚霞樂遊無廟有年華漢朝冠蓋皆
陵墓十里宜春下苑花

三輔黃圖宣帝廟號樂遊因樂遊苑得名又宜春下苑在京城東南隅

李拯 字昌時未詳里居咸通中進士累遷考功郎中僖宗召為翰林學士

退朝望終南山 黃巢亂後車駕還京作

紫宸朝罷綴鸚鵡丹鳳樓前駐馬看唯有終南山
色在晴明依舊滿長安 杜老王侯第宅文武衣冠之感然以藉藉出之得絕

體句

◎崔魯

華清宮

草遮回磴絕鳴鑿雲樹深深碧殿寒明月自來還
自去更無人倚玉闌子熱語誦之不厭

楊妃別傳明皇與貴妃夜倚玉闌自誓願世世為夫婦

門橫金鎖悄無人落日秋聲渭水濱紅葉下山寒
寂寂溼雲如夢雨如塵

◎杜常字里未詳唐末人已見宋詩中

華清宮

行盡江南數十程曉風殘月入華清朝元閣上西

風急都向長楊作雨聲末二句為荒涼之狀不求甚解

雍錄朝元閣朝元之所

◎王駕

社日

月今廣義立春後五戌為春社

鷺湖山下稻梁肥豚柵雞棲半掩扉桑柘影斜春
社散家家扶得醉人歸極村林中傳出太平風景

一統志正西信州府鷺湖山在鈴山縣西南十五里以下閩中及方外無名氏詩

◎王蘊秀

卷二十一

五五

寄姨妹

相國已隨麟閣貴家風第一右丞詩笄年解笑鳴
機婦恥見蘇秦富貴時

陳玉蘭

人王 鴛妻

寄外征衣

一作王鴛 古意詩

夫戍邊關妾在吳西風吹妾妾憂夫一行書寄千
行淚寒到君邊衣到無

葛亞兒

懷良人

蓬髮荆釵世所稀布裙猶是嫁時衣胡麻好種無

人種正是歸時不見歸

以耕鑿望夫之歸比悔教
夫婿覓封侯較切較正

劉瑗

長門怨

雨滴梧桐秋夜長愁心和雨到昭陽淚痕不學君
恩斷拭卻千行更萬行

杜秋娘

了綺 妾

金縷曲

樂府詩集金縷
衣近代曲詞

勸君莫惜金縷衣勸君須惜少年時有花堪折直
須折莫待無花空折枝

武昌妓

續韋蟾句

悲莫悲分生別離。登山臨水送將歸。武昌無限新栽柳。不見楊花撲面飛。
上二句集得好。下二句續得好。

僧法振

送友入上都

玉帛徵賢楚客稀。猿啼相送武陵歸。潮頭望入桃花去。一片春帆帶雨飛。

釋無本

行次漢上

習家池沼草萋萋。嵐樹光中信馬蹄。漢主廟前襄水碧。一聲風角夕陽低。

樂府辭蓋嘉運進

涼州歌

朔風吹葉雁門秋。萬里煙塵昏戍樓。征馬長嘶青海北。胡笳夜聽隴山頭。

無名氏

雜詩

無定河邊暮笛聲。赫連臺澤農人情。西園歸路千餘里。一夕秋風白髮生。

無名氏

胡笳曲

月明星稀霜滿野。羶車夜宿陰山下。漢家自失李將軍。單于公然來牧馬。

無名氏

初渡漢江

襄陽好向峴亭看。人物蕭條屬歲闌。爲報習家多置酒。夜來風雪過江寒。

卷之六

胡氏

月身星耀靈清近道車夜宿松山下無家自安

猶言華子公然來做馬

姓名氏

初渡漢江

幾陽峰向眼遠看人何處便思歸國馬有胡家

國酒一來風馬看江東

卷之六